

Հաստատված է՝
Ճարտարապետության և շինարարության
Հայաստանի ազգային համալսարանի
Գիտխորհրդի 2025 թ. դեկտեմբերի 22-ի նիստում
Արձանագրություն № 01-12/25



Գիտխորհրդի նախագահ, ռեկտոր՝

Մ. Գ. Բարսեղյան

**ՃԱՐՏԱՐԱՊԵՏՈՒԹՅԱՆ ԵՎ ՇԻՆԱՐԱՐՈՒԹՅԱՆ ՀԱՅԱՍՏԱՆԻ ԱԶԳԱՅԻՆ
ՀԱՄԱԼՍԱՐԱՆԻ ԱՇԽԱՏՈՂՆԵՐԻ ԳԻՏԱՀԵՏԱԶՈՏԱԿԱՆ ԱՇԽԱՏԱՆՔՆԵՐԻ ՀԱՄԱՐ
ԼՐԱՎՃԱՐՆԵՐԻ ՏՐԱՄԱԴՐՄԱՆ ԵՎ ՀԱՇՎԱՐԿՄԱՆ**

1. Սույն կարգը սահմանում է Ճարտարապետության և շինարարության Հայաստանի ազգային համալսարանի (այսուհետ՝ ՃՀՀԱՀ) աշխատողների գիտահետազոտական աշխատանքների համար լրավճարների տրամադրման կարգը և պայմանները, ինչպես նաև լրավճարների չափերը՝ համաձայն սույն կարգի հավելվածի:

2. Լրավճարները տրամադրվում են հետևյալ աշխատանքների կատարման համար.

1) որոշակի շտեմարաններում ընդգրկված պարբերականներում և ՃՀՀԱՀ «Journal of Architectural and Engineering Research» և «Գիտական աշխատություններ» պարբերականներում հոդվածի հրապարակում, այդ թվում՝ արտերկրի գիտակրթական կազմակերպություն ներկայացնող հեղինակի հետ համահեղինակությամբ,

2) առնվազն 5 տպագրական մամուլով մենագրության հրատարակում,

3) ՃՀՀԱՀ ասպիրանտների, հայցորդների և դոկտորանտների գիտական ղեկավարում և խորհրդատվություն՝ ուսումնառության սահմանված ժամկետում ատենախոսությունը պաշտպանելու պարագայում՝ ԲԿԳԿ-ի կողմից գիտական աստիճանի շնորհման մասին որոշում կայացնելուց հետո,

4) ՃՀՀԱՀ հիմնական աշխատակից հանդիսացող ասպիրանտների, հայցորդների և դոկտորանտների կողմից ատենախոսության պաշտպանություն ուսումնառության սահմանված ժամկետում՝ ԲԿԳԿ-ի կողմից գիտական աստիճանի շնորհման մասին որոշում կայացնելուց հետո,

5) համալսարանական գիտական սեմինարների իրականացում:

3. Սույն կարգի 2-րդ կետի 1-2 ենթակետերում նշված հրապարակումների համար լրավճարները տրամադրվում են ՃՀՀԱՀ այն աշխատողներին, ովքեր հրապարակված հետազոտությունում որպես իրենց աշխատավայր նշել են ՃՀՀԱՀ-ն և nuaca.am համացանցային տիրույթում գրանցված իրենց էլեկտրոնային փոստի հասցեն:

4. Scopus շտեմարանում ընդգրկված պարբերականների քառորդները որոշվում են SCImago Journal & Country Rank պորտալի ամսագրերի դասակարգման սանդղակին համապատասխան: Scopus շտեմարանում ընդգրկված այն պարբերականներում հրապարակված հոդվածները, որոնց քառորդները դեռևս հստակեցված չեն, ընդունվում են Q4-ին համարժեք:

5. «Web of Science» Core Collection շտեմարանում ընդգրկված պարբերականների քառորդները որոշվում են JCR-ի քառորդներին համապատասխան (այն պարբերականները, որոնց քառորդները դեռևս հստակեցված չեն, ընդունվում են Q4-ին համարժեք):

6. Եթե հոդվածի հեղինակը որպես իր աշխատավայր նշել է մեկից ավելի կազմակերպություն, ապա նրան վճարվում է սահմանված գումարի կեսը:

7. Կոլեկտիվ մենագրության գլխի (ենթագլխի), քարտեզի, արտոնագրի հրատարակումը համարվում է համապատասխան շտեմարանում ընդգրկված հոդվածին համարժեք:

8. Համալսարանական սեմինարների թեմաները համաձայնեցվում են ՃՀՀԱՀ գիտատեխնիկական խորհրդի հետ:

9. Սույն կարգի հավելվածի 1-7 կետերով սահմանված լրավճարները տրամադրվում են ՃՀՀԱՀ աշխատակցի դիմումի հիման վրա: Դիմումին կցվում են լրավճարը հիմնավորող փաստաթղթեր կամ տվյալներ:

10. Դիմումին կցված նյութերի հավաստիությունը ստուգվում է ՃՀՀԱՀ գիտության վարչության կողմից, որից հետո ՃՀՀԱՀ ռեկտորին է ներկայացվում լրավճար տրամադրելու մասին հրամանի նախագիծը:

11. Սույն կարգին համապատասխան իրականացված գիտական աշխատանքների հաշվառումը և տեղեկատվության պահպանումն իրականացնում է ՃՀՀԱՀ գիտության վարչությունը:

12. Սույն կարգն ուժի մեջ է մտնում 2026 թվականի հունվարի 1-ից:

13. Սույն կարգն ուժի մեջ մտնելուց հետո ուժը կորցրած ճանաչել ՃՀՀԱՀ գիտական խորհրդի 2023թ. դեկտեմբերի 23-ի N°01-12/23 նիստի արձանագրությամբ հաստատված՝ «ՃՀՀԱՀ աշխատողների գիտահետազոտական աշխատանքների համար լրավճարների տրամադրման և հաշվարկման կարգը»:

Գիտական քարտուղար
22.դեկտեմբերի, 2025թ.
գիտխորհրդի որոշում N°01-12/25



Լ.Հ.Լևոնյան

Ճարտարապետության և շինարարության Հայաստանի ազգային համալսարանի աշխատողների գիտահետազոտական աշխատանքների համար լրավճարների տրամադրման կարգի

Հ/Հ	Գիտահետազոտական գործունեության (աշխատանքի) բնույթը	Միավոր աշխատանքի գինը (ՀՀ դրամ)	Լրավճարի տրամադրման սկզբունքները								
1	Հոդվածի հրապարակում Scopus կամ «Web of Science» Core Collection շտեմարաններում ընդգրկված պարբերականներում և գիտաժողովների նյութերի կազմում՝ ըստ քառորդների	<table border="1"> <tr> <td data-bbox="783 600 815 656">Q1</td> <td data-bbox="815 600 951 656">600.000</td> </tr> <tr> <td data-bbox="783 656 815 712">Q2</td> <td data-bbox="815 656 951 712">400.000</td> </tr> <tr> <td data-bbox="783 712 815 768">Q3</td> <td data-bbox="815 712 951 768">200.000</td> </tr> <tr> <td data-bbox="783 768 815 808">Q4</td> <td data-bbox="815 768 951 808">100.000</td> </tr> </table>	Q1	600.000	Q2	400.000	Q3	200.000	Q4	100.000	Գումարը բաժանվում է ՃՇՀԱՀ աշխատակից համահեղինակների թվին
Q1	600.000										
Q2	400.000										
Q3	200.000										
Q4	100.000										
2	Հոդվածի հրապարակում «Journal of Architectural and Engineering Research» պարբերականում	200.000	Գումարը բաժանվում է ՃՇՀԱՀ աշխատակից համահեղինակների թվին								
3	Հոդվածի հրապարակում «ՃՇՀԱՀ գիտական աշխատություններ» պարբերականում	20.000	Գումարը բաժանվում է ՃՇՀԱՀ աշխատակից համահեղինակների թվին								
4	Լրացուցիչ՝ սույն աղյուսակի 1-3 կետերից որևէ մեկի պահանջներին բավարարող հոդվածի հրապարակում արտերկրի համահեղինակ/ներ/ի հետ	50.000	Գումարը բաժանվում է ՃՇՀԱՀ աշխատակից համահեղինակների թվին								
5	Մենագրության հրատարակում «Web of Science» գիտատեղեկատվական հարթակի գրքերի հղման ինդեքսի Book Citation Index հրատարակիչների կամ Scopus շտեմարանի կողմից ինդեքսավորված գրքերի ցանկում	200.000	Գումարը բաժանվում է ՃՇՀԱՀ աշխատակից համահեղինակների թվին								
6	Սահմանված ժամկետում ատենախոսությունը պաշտպանած ՃՇՀԱՀ ասպիրանտների, հայցորդների և դոկտորանտների գիտական ղեկավարում և խորհրդատվություն	200.000	Գումարը տրամադրվում է գիտական ղեկավարին կամ խորհրդատուին՝ ԲԿԳԿ-ի կողմից գիտական աստիճանի շնորհման մասին որոշում կայացնելուց հետո								
7	ՃՇՀԱՀ ասպիրանտների, հայցորդների և դոկտորանտների կողմից ատենախոսության պաշտպանություն սահմանված ժամկետում	200.000	Գումարը տրամադրվում է գիտական աստիճան ստացած ՃՇՀԱՀ աշխատակցին՝ ԲԿԳԿ-ի կողմից գիտական աստիճանի շնորհման մասին որոշում կայացնելուց հետո								
8	Համալսարանական գիտական սեմինարների իրականացում	60.000	Գումարը տրամադրվում է սեմինարն իրականացնող/ներ/ին՝ գիտության վարչության ղեկավարի զեկուցագրի հիման վրա՝ կիսամյակային պարբերականությամբ								